

Invitasjon prosjekt

Gode biblioteksjefar!

Som de sikkert har fått med dykk, vart Bokbåten Epos vedteke nedlagt i Vestland fylkeskommune tysdag 9. juni.

Det er mange som har engasjert seg for båten. I facebook-gruppa for Bokbåtaksjonen kan de sjå kommentarar og stort engasjement. Det er pr. no 1325 medlemmer i den gruppa.
<https://www.facebook.com/groups/922652854494514/>

Vi foreslår eit treårig samarbeidsprosjekt mellom alle interesserte kommunar på Vestlandet, frå Boknafjorden i sør til Sunnmøre i Nord.

Vi meiner bokbåten representerer eit unikt kulturtilbod for både små og store og har tankar om vidare drift for båten som eit flytande litteraturhus.

Vi i Strilabiblioteket Alver tenkjer oss førebels eit treårig prosjekt.

Kvifor skriv vi så til dykk? Jo, det er viktig at vi har kommunane med på laget. Til no har det vore slik at båten har lagt til kai, og det har vore med bibliotekarar frå fylket og Lindås/Alver. No tenkjer vi at kommunane skal organisere båtbesøk i sin kommune sjølve. Gje besøket ein lokal vri, gjerne som eit samarbeid mellom bibliotek og kulturkontor. Kommunane stiller med bibliotekarar og lagar arrangement.

De stiller også med bøker frå dykkar bibliotek. Båten har med seg den opprinnelege bokstammen frå båten, men de tek med bøker de ser for dykk at de kan låna ut hjå dykk. Bøker de vil formidla. Kostnad utover arrangement og personale vil ikkje verte stor.

De vil då få moglegheit til å føra arrangementet i dykkar statistikk, og bokutlån likeeins. Dette vert og eit flott grunnlag for å lage ein lokal kulturfestival med eit innhald tilpassa dykkar kommune. Til no har båten besøkt kvart stopp to gonger for året. I ein eventuell prosjektperiode vil vi redusere dette til ein tur i året, sånn at dette opplegget ikkje skal medføre for mykje meirarbeid for kvar kommune.

Kva seier de? Er dette noko de vil vera med på? Det håpar me på, for då jobbar me vidare med ekstern finansiering på alle moglege måtar. Høyrer gjerne frå dykk så snart som råd er! Send gjerne tilbakemelding til meg, eller ring meg om de vil vita meir på 98837404.

Beste helsing

Strilabiblioteket i Alver og avdeling for kulturutvikling, idrett og frivilligheit
ved Silje Namtvedt